



José Ryckebosch

Meet & Greet Vriewilliegers DBdK

't Is elukt ... 't was gezellieg... 't was geeëstieg...

De vriewilliege medewerkers van 't diejalektgenooëtsjchap, t' oope met 't bestieér, en nunder ejeund.

Suzy van 't bestieér e nog e sjchooëne bedankieng voe de vriewilliegers esjchreevn ...

Bestn vriewilliegers,
Je zie gieder woenderlikke mèënsjchn
Voe wiene doe j' gieder dadde?
Voe wiene zet je gieder junder in?
Tieën joar, vigtieën joar, voe wiene?
Je kriegt gieder gin buuleting mi puntn
Gin priezn, gin eeëre.

Wiene da j' gieder doet en joarn langk uutoedt,
Doe j' vriewillie, geeëlegaansn voe nieëtn.
't Kost junder tied en geld
Je vraag gieder gin mirsie

Moa me wiln junder toch van erte bedankn
En doavooërn zie m' ieér t' oope
Voe leutieg te babbeln en tegoare te genieëtn
Van e droogsje en e natsje

Stief mirsie voe junder vriewilliegn inzet
En da me nog lange meugn t' oope vriewillieger zien

Toet noaste joare, 'n twidn zoaterdag van feeburuwoarie, voe 'n twidn **Meet & Greet** van de **Vriewilliegers DBdK** in 't Spoans Kartieér in leznberge.



en oedn bromre

'k en ik passirde weeke en oedn brommer ekocht
'k wilde der mei goan rieën, moa 'k zien nie verre erocht
'k weeët nie oeë dat 't komt, moa 'k kreegn em nie in gangk
e wilde ie nie in roete, e gaf ie sjchieër gin klangk

iedre ki dan 'k ik stampte, deitn zjuuste moa: prrr
en achter en oaf eure, toene zein 'k ik: grrr
wuk is me dadde, wiene en 'k ik nuuw edoan
en ke ken der nieëtn van, woa goan 'k ik doamei goan

'k adn em ekocht van en oedn vint
'k zein: 't is toch gin kapotn en e zei doarop: ba nin 't
'k en der passirde weeke nog zêeve mei ereen
't is vandoage zjuuste acht doagn eleen

'k vroegn teegn me gebeur, e joengn garazjiest
zjuuste lik ze voadre, en echtn rapn tiest
'k vroegn teegn em: oeë ku da nuu goan komn
'k kriegen em nieë in roete, en 'k weetn nie woarom

'k goan e ki komn kiekn, o 't voe joen e ki past
'k zein: kom toen moa sebiet, je ziet e sjiekn gast
e j' nafte in edoan en ekeekn noa 'n boezjie
'k zein: das oal in orde, moa wuk peis je gie

e zei: 't is garantie etwot kleeëns, etwot van nieët
etwot da j' moeëlik viengkt, da j' biekan nie e zieët
'k goan 't oal kontroleeërn: de koabels en de baans
d' oensteekiinge, de sproejers, de sjchoakels en de taans

en achter en oaf eure, e siegrette en e bieër
riept 'n: 'k en 't lik evoengn, komt e ki ol ieër
o j' wilt goan rieën, toen moe j' der goeëd op letn
da j' zeekers nie e vergit van 't kroantsje oopn te zetn